



**Tithe an  
Oireachtais  
Houses of the  
Oireachtas**

# Nóta Treorach: Aighneachtaí Finnéithe agus Cur i Láthair ó Bhéal a Dhéanamh do Choistí Oireachtais

**An Nuashonrú is déanaí an 15 Iúil 2021**

## Clár an Ábhair

|  |          |
|--|----------|
| Réamhrá .....  | 3        |
| Cén fáth ar mian le Coistí labhairt leis an bpobal agus le páirtithe leasmhara? .....                        | 3        |
| An gá dom aighneacht i scríbhinn a dhéanamh chuit Coiste agus mé ag láithriú mar fhinné? .....               | 3        |
| Treoir d'fhinnéithe maidir le haighneacht i scríbhinn a dhéanamh roimh chruinniú.....                        | 3        |
| Cad is cóir a bheith i m'aighneacht?.....  | 3        |
| Leideanna i dtaobh do dhoiciméad aighneachta a scríobh .....   | 4        |
| Faisnéis thábhachtach .....  | 5        |
| Is próiseas poiblí é aighneacht a dhéanamh .....   | 5        |
| D'aighneacht a sheoladh .....  | 5        |
| Conas a dhéileálfar le d'aighneacht.....   | 5        |
| <b>Treoir d'fhinnéithe maidir le cur i láthair ó bhéal a dhéanamh do Choiste Oireachtas .....</b>            | <b>6</b> |
| Conas a dhéanann Coiste cinneadh i dtaobh cé na daoine a fhaigheann cuireadh chuit cruinniú? .....           | 6        |
| An féidir liom a bheith rannpháirteach go cianda? .....  | 6        |
| An gá dom aon ní a sheoladh roimh ré?.....   | 6        |
| An bhuil cód feistis i bhfeidhm san Oireachtas? .....  | 6        |
| An bhuil na Seomraí Coiste inrochtana ag cathaoireacha rothai? .....   | 6        |
| Conas is féidir liom cruinniú Coiste a bhreathnú?.....   | 6        |
| Céard é leagan amach cruinntithe Coiste de ghnáth? .....   | 7        |
| Aon bhuil aon phrótacail ba cheart a leanúint le linn an chruinnithe? .....                                  | 7        |
| Cad is cóir dom a thabhairt ar Chomhaltaí an Choiste? .....  | 7        |
| An bhuil aon trealamh ann chun cur i láthair a dhéanamh? .....   | 7        |
| An bhuil cead agam aon trealamh leictreonach eile a úsáid? .....   | 8        |
| Cén fhad a mhairfidh an cruinniú, agus an mbeidh aon sosanna ann? .....                                      | 8        |
| An gcaolfa an cruinniú? .....  | 8        |
| Cad a dhéanfaidh mé nuair a bheidh deireadh leis an gcruiinniú? .....  | 9        |
| An féidir cóip de thras-scríbhinn an chruinnithe nó craoladh gréasáin nó físeán den chruinniú a fháil? ..... | 9        |
| Nithe a eascraíonn as an gcruiinniú .....  | 9        |
| Úsáid na Gaeilge .....   | 9        |

## Réamhrá

Má thugtar cuireadh chun cruinniú Coiste duit, ba cheart duit an nóta treorach seo agus an [Prótacal Finnéithe](#) a léamh le chéile. Is ar bhonn saorálach a fhreastalaíonn daoine ar chruinnithe Coiste de ghnáth. Má tá iachall curtha ort freastal ar chruinniú Coiste, ba cheart duit na [Treoirlínthe haghaidh Finnéithe maidir le hInordaitheacht](#) a léamh.

Ba cheart duit a thabhairt faoi deara freisin, más rud é go mbeidh tú ag láithriú os comhair Coiste Oireachtas, go dtabharfar “finné” ort agus go dtabharfar “fianaise” ar an bhfaisnéis a chomhroinntidh tú leis an gCoiste.

### Cén fáth ar mian le Coistí labhairt leis an bpobal agus le páirtithe leasmhara?

Tugann Coistí Oireachtas cuirí go rialta do dhaoine leasmhara nó do chomhlachtaí leasmhara chun fianaise a thabhairt trí chur i láthair i scríbhinn nó ó bhéal a dhéanamh maidir le haon ní atá ar Chlár Oibre an Choiste. Áirítear orthu sin Airí, státseirbhísigh agus seirbhísigh phoiblí, ionadaithe eagraíochtaí neamhrialtasacha, grúpaí sainleasa eile agus pearsana aonair. Is trí na Coistí a dhéantar cuid mhaith d’obair mhionsonraithe Thithe an Oireachtas. Tá réimse feidhmeanna ag Coistí, lena n-áirítear oibríocht Ranna Rialtais a ghrinnscrúdú, saincheisteanna beartais a scrúdú agus breithniú mionsonraithe a dhéanamh ar reachtaíocht bheartaithe sula dtagann sí chun bheith ina dlí.

### An gá dom aighneacht i scríbhinn a dhéanamh chuig Coiste agus mé ag láithriú mar fhinné?

Roimh chur i láthair ó bhéal a dhéanamh do Choiste, is gnách go n-iarrtar ar fhinné aighneacht i scríbhinn a dhéanamh i gcás nach bhfuil sin déanta ag an bhfinné cheana féin. Bíonn deis ansin ag an bhfinné tuairisc a thabhairt don Choiste agus tuilleadh mionsonraí a thabhairt maidir le saincheisteanna a bhféadfaí nach mbeadh ach tréimhse ama teoranta ann chun iad a phlé le linn cruinnithe.

Má fhaigheann comhaltaí Coiste aighneacht den sórt sin roimh ré, bíonn deis acu iad féin a chur ar an eolas maidir leis na nithe ar a ndéanfaidh an finné cur i láthair agus ar nithe iad is dócha a bheidh mar bhunús le ceisteanna na gcomhaltaí le linn cruinnithe. Is féidir, dá bharr sin, go ndéanfar an t-ábhar a phlé ar shlí a bheidh fiúntach agus dírithe.

### Treoir d’fhinnéithe maidir le haighneacht i scríbhinn a dhéanamh roimh chruinniú

#### Cad is cóir a bheith i m'aighneacht?

Maidir leis na nithe is cóir a bheith i d'aighneacht, sonrófar iad sa litir a chuirfear chugat ina dtabharfar cuireadh duit freastal ar chruinniú Coiste. Is éard a bheidh iontu de ghnáth, **doiciméad aighneachta** le hábhar eolais, **ráiteas tosaigh** agus **ríomhphost cumhdaigh** nó **litir chumhdaigh**. Tá sé tábhachtach go léifidh tú an litir chuiridh go cúramach.

Más rud é go bhfuil ábhar eolais curtha faoi bhráid agat cheana féin, féadfaidh an Coiste a iarraidh ort tuilleadh faisnéise a thabhairt i dtaobh réimsí ar leith nó freagraí a thabhairt ar cheisteanna áirithe.

## Doiciméad aighneachta

Mura sonraítear a mhalaírt i do litir chuiridh, ba cheart go mbeadh na nithe seo a leanas i do dhoiciméad aighneachta:

- réamhrá gairid, mar shampla, ina ndéantar cur síos ar do réimse saineolais
- aon fhíoraíl ná faisnéis (fianaise) atá agat as a bhféadfadh an coiste tátail a bhaint, ná a fhéadfarr a chur faoi bhráid páirtithe eile chun freagra a fháil orthu ná uirthi
- naisc le haon fhoilseachán dá ndéanann tú tagairt - ní gá foilseachán den sórt sin a chur chugainn mar cheangaltáin
- aon mholtáí don Choiste; bí chomh mionsonraithe agus is féidir agus scríobh achoimre ar do mholtáí ag deireadh an doiciméid
- achoimre feidhmiúcháin ar na príomhphointí a dhéantar san aighneacht, más faide ná 10 leathanach do dhoiciméad

## Ráiteas Tosaigh

Is éard atá i ráiteas tosaigh ráiteas a léann finné ag tú a rannpháirtíochta leis an gCoiste sula gcuirtear tú a leis an gceistiúchán agus leis an bplé a dhéantar leis an bhfinné. Is gnách go dtarraingítear aird leis an ráiteas ar na pointí ríthábhachtacha i ndoiciméad aighneachta an fhinné. Sonrófar sa litir chuiridh cé chomh fada is ceart don ráiteas seo a bheith ach, mura sonrófar amhlaidh sa litir chuiridh, ba chóir 750 – 1500 focal a bheith mar sprioc agat (5 – 10 nóiméad ar a mhéad nuair a léitear an ráiteas os ard).

## Ríomhphost cumhdaigh/litir chumhdaigh

Ba cheart go mbeadh ríomhphost cumhdaigh ná litir chumhdaigh ag gabháil le do dhoiciméad aighneachta agus le do ráiteas tosaigh. Ba cheart duit aon sonrái teagmhála breise a chur i do ríomhphost cumhdaigh/litir chumhdaigh amhail uimhreacha fóin póca, agus aon riachtanais faoi leith a bhaineann leat féin agus tú ag freastal ar chruinniú Coiste, ná aon nithe ginearálta ar mian leat aird a thabhairt orthu roimh an gcruiinniú Coiste. Má tá faisnéis phearsanta i litir chuiridh ar leithligh, is féidir doiciméad aighneachta a fhoilsiú, má chinneann an Coiste déanamh amhlaidh tráth éigin, gan aon sonrái pearsanta a nochtadh.

## Leideanna i dtaobh do dhoiciméad aighneachta a scríobh

- ✓ Bíodh d'aighneacht gonta agus ábhartha. Ná cuir isteach aon ní nach bhfuil gá leis ná atá iomarcach agus nach mbaineann go díreach leis an ábhar.
- ✓ Ná bain tátail, agus ná déan moltaí, gan na fíoraíl tacaíochta ná an fhianaise thacaíochta a chur in iúl.
- ✓ Má dhéanann tú tagairt d'foilseachán eile, cuir isteach naisc chuig na foilseacháin sin. Ní gá iad a sheoladh mar cheangaltáin.
- ✓ Ná déan dearmad uimhreacha a chur isteach ag bun na leathanach le do thoil, agus is cabhair uimhreacha a chur leis na míreanna freisin.
- ✓ Déan cinnte de go bhfuil d'aighneacht i bhformáid MS Word ná i bhformáid pdf inchuardaithe.

## Faisnéis thábhachtach

Ba cheart go mbainfidh d'aighneacht go díreach leis an ábhar ar tugadh cuireadh duit labhairt faoi agus mar a shonraítear i do litir chuiridh.

- Níl cead ag an gCoiste breithniú a dhéanamh ar aighneachtaí ina bpléitear cásanna a bhaineann le pearsana aonair.
- Níor cheart duit aon duine ná daoine ná eintiteas a chóineadh, ná líomhaintí a dhéanamh ina aghaidh, ina haghaidh nó ina n-aghaidh, ina ainm, ina hainm nó ina n-ainm, nó ar shlá a bhféadfaí é nó í ná iad a aithint, ná aon ní a chur isteach a bhféadfaí a mheas ina leith go ndéanfaí dochar do dhea-cháil an duine ná an eintitis.
- Ba cheart duit a bheith cúramach gan trácht a dhéanamh ar nithe atá i láthair cúirt dlí faoi láthair, ná ar nithe ar ina leith a ndéanfar trácht orthu le linn imeachtaí cúirte. Má cheapann tú go dtiocfaidh saincheisteanna den sórt sin chun cinn, ba cheart duit plé a dhéanamh le Cléireach an Choiste maidir leis an tionchar a d'fhéadfadh a bheith aige sin ar an bhfianaise a mbeidh sé de chead agat í a chur faoi bhráid an Choiste.
- Is le saincheisteanna beartais phoiblí a phléann formhór na gCoistí. Ní fóram é an Coiste chun uiríll phearsanta a dhéanamh, ná chun táirge, seirbhís ná gnó a chur chun cinn, agus níor cheart duit iarracht a dhéanamh chuige sin.

## Is próiseas poiblí é aighneacht a dhéanamh

Is próiseas poiblí atá in oibríochtaí parlaiminte, agus ba cheart duit a bheith ar an eolas go bhféadfar aon doiciméid a chuirfear faoi bhráid an Choiste, lena n-áirítear doiciméid ina bhfuil d'aitheantas, a fhoilsíú go hiomlán ná go páirteach, mar chuid de thuarascáil an Choiste ná de thuarascáil ar leithligh, má chinneann an Coiste déanamh amhlaidh.

Tabhair faoi deara freisin go gcoimeádann an Coiste an ceart gan glacadh le d'aighneacht agus níl aon oibleagáid air aon chuid di a fhoilsíú.

## D'aighneacht a sheoladh

- Sonrófar i do litir chuiridh conas d'aighneacht a sheoladh chugainn. Is gnách gur chóir an aighneacht a sheoladh i bhformáid pdf ná i ndoiciméad Word chug seoladh ríomhphoist an Choiste agus a dhíriú chug Cléireach an Choiste atá i gceist.
- Ní mór cloí le spriocdhátaí a shonrófar sa litir chuiridh maidir le haighneachtaí a chur faoi bhráid an Choiste.
- Nuair a gheobhaidh an Coiste an aighneacht, cinnteoidh an Cléireach go scaipfeart ar gach comhalta den Choiste í.

## Conas a dhéileálfar le d'aighneacht

- Is féidir bheith ag súil le hadmháil a fháil laistigh de 2 lá oibre á rá go bhfuarthas d'aighneacht.

- Déanfaidh Cléireach an Choiste d'aighneacht a scaipeadh ar chomhaltaí an Choiste sula bhfreastalóidh tú ar chruinniú Coiste.
- Bí ag síil le ceisteanna a chuirfear ort maidir leis an ábhar a sholáthróidh tú don Choiste le linn an chruinnithe.

### Treoir d'fhinnéithe maidir le cur i láthair ó bhéal a dhéanamh do Choiste Oireachtas

**Conas a dhéanann Coiste cinneadh i dtaobh cé na daoine a fhaigheann cuireadh chuig cruinniú?**

- Is mó iarraidh ar chruinnithe a fhaigheann Coistí, agus ní foláir dóibh a bheith cinnte go bhfuil an t-ábhar faoina gcúram agus gur cuid de Chlár Oibre an Choiste é sula gcomhaontóidh siad le cruinniú.
- Maidir le cuirí chuig cruinnithe poiblí, eisíonn gach Coiste iad bunaithe ar an mír nó an réimse den Chlár Oibre atá faoi bhreithniú ag an am, agus ar an méid ama atá ar fáil.

### An féidir liom a bheith rannpháirteach go cianda?

- Mura féidir leat láithriú i bpearsa, féadfaidh sé go mbeidh tú in ann freastal ar an gcrúinniú trí fhíschomhdháil ó cibé áit is fearr leat. Ba chóir dul i dteaghmháil leis an gCléireach i ndáil leis sin.
- Ag brath ar na socruithe i gcomhair cruinnithe, féadfaidh an Coiste freisin a iarraidh go bhfreastalófar go cianda ar an gcrúinniú. Déanfaidh an Cléireach na socruithe maidir le freastal go cianda a mhíniú duit agus bíonn siad ar áireamh sa litir chuiridh de ghnáth.

### An gá dom aon ní a sheoladh roimh ré?

- Má iarrtar ort freastal ar chruinniú Coiste mar fhinné, féadfar go n-iarrfar ort leis an litir chuiridh aighneacht a dhéanamh. Is éard a bheidh i gceist leis sin de ghnáth, **doiciméad aighneachta** lena ngabhann ábhar teagaisc, **ráiteas tosaigh** agus **ríomhphost cumhdaigh** nó **litir chumhdaigh**.

### An bhfuil cód feistis i bhfeidhm san Oireachtas?

- Is é an cleachtas seanbhunaithe gur cheart do Chomhaltaí agus foireann Thithe an Oireachtas agus d'aon duine a thugann cuairt ar na Tithe, feisteas gnó, nó éadaí dá samhail, a chaitheamh de réir stádas na parlaiminte. Tabhair faoi deara, le do thoil, nach gceadaítear suaitheantais a chaitheamh a bhféadfaí a mheas leo gur suaitheantais de chineál polaitiúil iad.

### An bhfuil na Seomraí Coiste inrochtana ag cathaoireacha rothaí?

- Tá rochtain ionmlán ar Sheomraí Coiste an Oireachtas ag úsáideoirí cathaoireacha rothaí. Bheadh sé ina chabhair, áfach, aon saoráidí nó cúnamh eile a theastaíonn uait a chur in iúl do Chléireach an Choiste a luaithe is féidir.

### Conas is féidir liom cruinniú Coiste a bhreathnú?

Is féidir gach cruinniú Coiste a bhreathnú beo nó i ndiaidh a chraolta, ar shuíomh gréasán an Oireachtas. Léireofar i sceideal na gcruiinnithe ag [www.oireachtas.ie/ga/committees/](http://www.oireachtas.ie/ga/committees/) na hionaid ina bhfuil cruiinnithe Coiste ar siúl. Sa phainéal “breathnaigh agus léigh” i lár an leathanaigh sin, soláthraítear naisc chuig an bhfotha a thagann ó gach ceann de na hionaid sin.

Aon duine ar mhaith leis nó léi imeachtaí ceachtar den dá Theach nó imeachtaí Coiste a bhreathnú ó áit laistigh d’áitreabh an Oireachtas, ní mór é nó í a bheith urraithe ag Comhalta de na Tithe. Cuirfidh an Comhalta sin an méid sin in iúl d’foireann na nUiséirí Parlaiminte agus cuirfear d’ainm ar liosta rochtana. Más rud é, áfach, gur iarradh ort go foirmiúil freastal ar chruinniú Coiste, beidh d’ainm ar liosta rochtana cheana féin i gcomhair an chruinnithe sin.

### Céard é leagan amach cruinnithe Coiste de ghnáth?

Is é is cuspóir don seisiún go gcuirfidh an Coiste ceisteanna ort maidir le d'aighneacht i scríbhinn. Mura n-iarrtar é, níl aon ghá d'aighneacht i scríbhinn a léamh ina hiomláine toisc go mbeidh sí faighe ag na Comhaltaí cheana féin. Ba cheart go mbeadh i do ráiteas tosaigh achoimre ar d'aighneacht i scríbhinn agus go ndéanfaí leis aird a tharraingt ar na mórfhoindí atá inti. Cuirfidh Comhaltaí den Choiste ceisteanna ort ansin. Is é aidhm na gceisteanna sin gnéithe de d'aighneacht a shoiléirú, chun fainseás a bhaineann le feidhmeanna an Choiste a chuardach agus chun ligean duit aon phointí a dhéantar i d'aighneacht a fhorbairt.

D’fhéadfadh sé a bheith ina chabhair duit, le linn an chruinnithe, nóta a ghlacadh faoi na ceisteanna éagsúla, ionas nach ndéanfaidh tú dearmad ar aon cheann de na saincheisteanna a luaitear.

### Aon bhfuil aon phrótacail ba cheart a leanúint le linn an chruinnithe?

Ar theacht isteach sa Seomra Coiste duit, téigh go díreach chuig an suíochán a cuireadh ar fáil duit, de réir mar atá ordaithe ag foireann an Choiste. De ghnáth, ba cheart fanacht i do shuíochán go dtí go mbeidh an seisiún tugtha chun críche ag an gCathaoirleach.

### Cad is cóir dom a thabhairt ar Chomhaltaí an Choiste?

Ba cheart teidil na gComhaltaí a thabhairt orthu .i. Teachta X, Seanadóir X etc. Ba cheart an teideal cuí a chur ar shealbhóirí oifige, m.sh. Cathaoirleach, Taoiseach, Tánaiste, Aire. Sna Seomraí Coiste, taispeántar ainmneacha na gComhaltaí, agus (T.D.) ina dhiaidh le haghaidh Teachta, nó (S) le haghaidh Seanadóir, go leictreonach ar éadan na ndeasc.

### An bhfuil aon trealamh ann chun cur i láthair a dhéanamh?

Tá saoráidí i ngach Seomra Coiste lenar féidir físeáin agus sleamhnáin PowerPoint a thaispeáint. Más mian leat na saoráidí sin a úsáid, ní mór iarratas a dhéanamh chuig an gCléireach seachtain roimh an am a bheartaíonn tú láithriú ag an gcruiinniú chun an méid sin a chur in iúl dó nó di agus chun a rá leis nó léi cén fhormáid dhigiteach a bheartaítear a úsáid. Cuir coip den chur i láthair ar fáil dó nó di chomh maith, le do thoil.

Tá roinnt míbhuntáistí ann maidir le saoráidí cur i láthair a úsáid ar chóir duit a bheith ar an eolas fúthu agus tú ag smaoineamh faoi iarraidh a dhéanamh chun na saoráidí sin a úsáid. D’fhéadfadh sé nach mbeidh na daoine a fhéachann ar an gcruiinniú go cianda (nach bhfuil i

láthair sa seomra) in ann an fhaisnéis atá i gcur i láthair den sórt sin a thuisint. Ina theannta sin, is é an focal labhartha amhán a bheidh sa taifead oifigiúil ar an gcruiinniú agus ní bheidh do chur i láthair san áireamh sa tuarascáil oifigiúil.

### An bhfuil cead agam aon trealamh leictreonach eile a úsáid?

Níl cead ach an trealamh atá suiteáilte cheana féin a úsáid. D'fhonn na córais fuaime agus taifeadta a chosaint, ní cheadaítear feistí leictreonacha eile amhail glaoirí, fóin phóca, ríomhairí glúine, téipthaifeadáin ná raidió a úsáid. Tá diantoirmeasc ar fhóin phóca a úsáid, agus ní mór iad a mhúchadh (ní leor modh ciúin) sna Seomraí Coiste le linn cruinniú Coiste.

### Cén fhad a mhairfidh an cruinniú, agus an mbeidh aon sosanna ann?

Bíonn difríocht mhór idir na cruinnithe Coiste ó thaobh an mhéid ama a mhaireann siad. Braitheann fad coiste amhán ar an mír ghnó atá á breithniú agus ar cibé acu an bhfuil níos mó ná grúpa amhán ag déanamh cur i láthair. I gcás cruinnithe a mhaireann 2 uair an chloig nó níos giorra, ní shocraítear aon sos de ghnáth.

Is féidir, áfach, go gcaithfear cur isteach ar chruinniú chun ligean do Chomhaltaí vótáil i nDáil Éireann nó i Seanad Éireann. Má tharlaíonn sé sin, mairfidh an sos ar feadh timpeall is 15 go 20 nóniméad. Cuid thábhachtach de ról an Chomhalta is ea an vótáil agus más é sin an chúis go gcuirtlear isteach ar chruinniú ní mar mhíchúirtéis i do leith a dhéantar é. Athchromfar ar an gcruiinniú a luaithe is féidir.

I gcás cruinniú atá níos faide, féadfar sos a shocrú chun ligean do Chomhaltaí freastal ar imeachtaí ar leith, m.sh. Ceisteanna ó Cheannairí sa Dáil, nó le haghaidh sos béile.

### An gcraolfar an cruinniú?

Is próiseas poiblí é cur i láthair ó bhéal a dhéanamh os comhair Coiste Oireachtas. Seolfar an cruinniú go poiblí de ghnáth, mura luaitear a mhalairt go sonrach.

Is féidir na cruinnithe Coiste go léir a sheoltar go poiblí a bhreathnú beo nó mar thaifeadadh ar shuíomh gréasáin an Oireachtas. Is túspointe úsáideach é an painéal “féach agus léigh” chun teacht ar an gcruiinniú is mian leat a bhreathnú agus tá an painéal sin i lár an leathanaigh Coistí ag [www.oireachtas.ie/ga/committees/](http://www.oireachtas.ie/ga/committees/)

Aon chruinnithe Coistí a sheoltar go poiblí craoltar tuairiscí teilifíse orthu laistigh de choimpléasc Theach Laighean agus cuirtear ar fáil iad lena gcraoladh ina dhiaidh sin ag RTÉ agus TV3. Roghnaítear cruinnithe gach seachtain lena gcraoladh beo freisin ar Oireachtas TV, arb é an cainéal Parlaiminteach atá dírithe chuige sin, agus déantar gach cruinniú Coiste poiblí a athchraoladh i gcaitheamh na seachtaine. Chun tuilleadh faisnéise a fháil i dtaobh céin áit ar féidir leat imeachtaí Oireachtas agus cruinnithe Coiste a fheiceáil, féach ár leathanach [Teilifís an Oireachtas](#).

Foilseofar tras-scríbhinn ar shuíomh gréasáin an Choiste in am tráthá. Beidh gach a mbeidh árágat ag an gcruiinniú ar fáil go poiblí mar sin.

## Cad a dhéanfaidh mé nuair a bheidh deireadh leis an gcruiinniú?

I gcás go bhfuil tú ag freastal ar chruinniú go pearsanta, beidh feidhm ag an bprótacal ceánna agus tú ag imeacht mar a raibh feidhm aige agus tú ag teacht isteach sa Seomra Coiste, (murar cuireadh an cruinniú ar athló go foirmiúil). Ba chóir duitimeacht go ciúin, ag tabhairt aire nach gcuirfidh tú isteach ar ghnó leanúnach. Tabhair do shuaitheantas slándála ar ais don duine ag an deasc agus tú ag imeacht le do thoil. Ní mór d'fhinnéithe an campas a fhágáil trí Gheata Shráid Chill Dara.

I gcás go bhfuil tú ag freastal ar chruinniú ar líne mar fhinné cianda, féadfaidh tú cliceáil ar an gcnaipe **Fág an Cruinniú** nuair atá do chuid gnó críochnaithe nó nuair atá an cruinniú tugtha chun críche.

Más rud é gur chomhaontaigh tú ábhar breise a sheoladh ar aghaidh mar fhreagra ar cheist, ba cheart an t-ábhar sin a sheoladh ar aghaidh chuig Cléireach an Choiste a dháilfidh ar gach Comhalta den Choiste é.

## An féidir cóip de thras-scríbhinn an chruinnithe nó craoladh gréasáin nó físeán den chruinniú a fháil?

Beidh an tras-scríbhinn den chruinniú ar fáil ar shuíomh gréasáin an Choiste de ghnáth laistigh de 7-8 lá oibre ón gcruiinniú, de ghnáth.

## Nithe a eascraíonn as an gcruiinniú

Más mian leat aon ní a eascraíonn as an gcruiinniú a thabhairt ar aird an Choiste, téigh i dteagmháil le Cléireach an Choiste.

Más rud é, i ndiaidh an chruinnithe, go measann tú go ndearnadh dochar duit le ráiteas a rinneadh le linn an chruinnithe, ba cheart é sin a thabhairt ar aird an Chléirigh. Ina theannta sin, téigh chuig [www.oireachtas.ie/ga/debates/utterances-having-an-adverse-effect/](http://www.oireachtas.ie/ga/debates/utterances-having-an-adverse-effect/).

## Úsáid na Gaeilge

Is beartas de chuid Sheirbhís Thithe an Oireachtas é fáilte a chur roimh úsáid na Gaeilge agus í a éascú ar fud na Seirbhíse.

Más mian leat Gaeilge a úsáid, ná bíodh drogall ort é sin a chur in iúl dúinn.